

國朝詞綜續編

國朝詞綜續編卷八

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

尤維熊 四首

屈爲章 一首

金學蓮 一首

徐準宜 一首

董士錫 二首

胡金題 五首

胡金勝 四首

顧廣圻 一首

余鼎 三首

陳琮 一首

江義田

一首

黃士珣

二首

馬汾

二首

吳會

一首

夏尙志

二首

董基誠

二首

許乃賡

二首

程嘉杰

一首

秦耀曾

二首

莊梧鳴

一首

沈沂曾

二首

孔傳鉞

二首

馮登府

三首

張祥河

七首

周樽元

四首

祝百十

一首

汪福辰

一首

陸麟書

一首

朱縉

一首

汪潭

一首

季士訢

二首

潘士淳

一首

金槃望 一首

戈成傑 二首

顧翰 三首

蕭師度 二首

王璘 一首

裴鏞 一首

尤維熊

字祖望號二娛長洲人拔貢生官蒙自縣知縣有二娛小廬詞鈔二卷

醉公子

簾舒心自捲被冷香猶暖急雨送殘更燈昏天未明
宵長愁夢短夢醒宵初半有恨總無情蛩聲和雁聲

柳梢青

未解嬌羞簸錢年紀纔學梳頭十二琵琶十三錦瑟十
五箜篌杏花屋角鳴鳩飛過處誰家畫樓一桁珠簾
數重花影滿鏡春愁

應天長

慊慊人病了又幾日妝臺未梳蓬鬢人遠天涯只怕心
期難問黃鶯枝上語偏沒箇雁兒來信空盼到乍暖還
寒熟梅天近睡也幾曾穩便夢著些兒杳無憑準枕
上斑斑都是淚珠紅印新來諸女伴渾未解舊來愁悶
錯道是醒後朝慵舞餘春困

蝶戀花

題畫

開徧藤花無意緒庭院深深日日吹香絮花裏驚鴻飛
不去簾波翠地通眉語團扇畫羅衫白紵金屋金堂
分是儂家住明月去人纔尺許夜風涼到銷魂處

一屈爲章

字含漪平湖人諸生
有竹泥漁唱一卷

探春

三月閒得趙良甫梁谿書越半載矣燈下作報札竟卽書紙尾

柳織煙空蘆搖雪
暝吳帆吹到昏曉
醉不成歡吟還有
淚遠杵并將愁擣
檢點相思字憑春水
鯉魚流到半年
閣住閒雲添來別緒
多少一片描殘秋稿
正雁語燈
青魂夢驚繞歇馬
亭荒鼓琴臺冷
牘與幾回斜照我也
傷離甚滿涼意云
風懷抱何處尋君
扁舟同泛紅蓼

金學蓮

字子雲號手山吳縣人諸生

西子妝

春用乍霽集梅花下譜夢窗自度腔紀之

春酌沈雲孤香逗月一
霎殘英辭樹青衫翠袖
各生塵
拂冰絲替人愁語單衣
試舞但歲歲將春送去
繞屏山
又幾回夢斷天涯如許
傷羈旅草綠平煙記
踏雷塘

路不堪歌吹與重論最分明亂紅如雨閒情欲賦問俊
侶相思何處認春痕猶有闌干落絮

徐準宜

字仲平
武進人

鵲橋仙

寄題清蓉落花人獨立微雨燕雙飛小照

午風釀暖暝陰送冷作得韶光如許一分絲雨二分煙
還逗起十分愁緒無情春去有情人苦飛燕雙雙自
舞思量無計阻人歸空目斷連天芳樹

董士錫

字晉卿武進人貢
生有齊物論齋詞

木蘭花

一秋涼夢催離別好與鴛鴦池畔說落紅愁對鏡中攔
拾翠記分釵上蝶柳絲不作同心結風雨連宵都未

歇玉階何事最銷魂羅幃沈沈浸涼月

江城子

丙寅里中作

寒風相送出層城曉霜凝畫輪輕牆內烏曉牆外少人行折盡垂楊千萬縷留不住此時情紅橋獨上數春星月華生水天平鏡裏芙蓉應向臉邊明金雁一雙飛過也空目斷遠山青

胡金題

字品佳又字瘦山平湖人諸生有金屑詞又酒邊詞一卷

徐雪廬云金屑詞出入唐宋爲懷甯余伯扶所傾倒

浣溪沙

楊柳風多卷繡幃杏花雨重溼銖衣等閒看盡燕雙歸騰帳貌兒翻白雪網檐蟬子冑紅絲日長無事畫眉

遲

踏莎行

羊侃歌姬延年女弟當初鏤臂畱盟誓一朝庭院鎖葳蕤
綠陰枉費羅巾淚 蛺蝶雙飛蕙蘭並蒂替人苦寫
相思意何曾有夢到瑤臺不須更怨重門閉

點絳脣

夢裏分明平橋流水門前路絳紗窗戶掩淚通愁語
忽忽醒時祇是難清楚渾無據一燈涼雨斗帳如籠霧

菩薩蠻

寄內

柳塘水淺無些子思君祇隔柳塘水水淺足風波水深
可奈何 十行書已滿猶恨蠻牋短不是怨輕離離情

無已時

生查子

深院草蟲鳴。獨坐看牛女。螢火閃星星。照見人私語。
角枕綠雲香。斗帳清無暑。涼露滴風簾。月白天疑曙。

胡金勝

字夢香號東井平湖人
諸生有箇家詞四卷

生查子

銅壺漏箭稀。鏐炮鑪香燼。翠被夜寒多。好夢無憑準。
秋氣入蛾眉。秋色欺蟬鬢。雁字滿天涯。不帶天涯信。

江城子

綠楊城郭小紅樓。捲簾鉤。漫凝眸。卻恨那回草草上扁舟。
舟可恨。斜陽如弱水。還只管向西流。至今南浦水悠悠。

悠問悲秋幾時休可恨千絲萬緒在心頭不信區區方寸地偏著得許多愁

解珮令

丁丁檐鐸沈沈門鑰恁無聊離筵杯酌曉月窺窗又悄被荒雞催落忒匆匆驪歌聲促城頭霜角船頭霜柝只愁人每先聽著枕冷衾寒便夢也霎時難作恨歸鴻無書可託

菩薩蠻

柳條撒絮春歸矣春歸可惜人千里千里夢迢迢相思朝暮潮銀鉤緘錦字分付雙紅鯉不是不思量思量人斷腸

顧廣圻

字千里號澗蘋元和人貢生官訓導有鷗邊詞

水龍吟

紅蕙

此花身是三閭遺形乍蛻神依舊江皋獨立鵲聲啼血
行行染袖翠葉凝寒低遮瘦影與添眉皺想佳人不見
含情無際剛沈醉瓊觴酒百畝荒來應久對斜陽幾
堪回首風光轉盡朱顏枉駐霜飛正驟短些招殘半林
楓落斷魂迷又儘年年洗恨如鉛湘水也殷痕透

余

鼎

字伯慨號鐵香新建人諸生有秋夢詞

八聲甘州

秋海棠

悵秋空涼露又零零
唬痕染蒼苔想鏡中脂暈夢中粉
態恁好情懷一樣東風名字無意上春臺
淒切霜花裏

國朝詩集卷之六
獨自徘徊 記得楚江簾畔對
軟紅一抹約鬢分釵
恁
恩恩人去此日又天涯
畫牆陰纖纖瘦影最
魂銷前度月痕來料得
是清尊薄醉倦眼慵開

菩薩蠻

寶檀閣上開晴旭
雕櫺掩映玻璃綠
長日繡羅襦一雙
明月珠 院深行迹杳
風落榆錢小未肯學
秋千防人拾翠鈿

南浦

殘笛咽懷風
畫樓前吹墮淒涼眉
嫵幾度遶關行
難尋覓竹外梅魂
一縷殷勤鞋印綠
苔空證相思苦
愁看銀屏臨別句
賸得淚痕無數
問伊有甚心情
忍拋零鈿

翠獨尋春去，寒信正，恁恁怕。一例吹冷，蘿裳無主。丁甯
凍蝶有愁索，向珠簾訴。月小香溫，消受得鬢角露華如
許。

陳

琮字應坤，青浦人，有碧雲香雨小樓詞稿。

浣溪沙

春日

草色青青柳色新，東風偷換一番春。年華如水恨如塵。
三月鶯花成過客，一宵風雨總愁人。不關離別亦傷
神。

江義田

字晴帆，上元人，有夢筆樓詞鈔。

菩薩蠻

偕胡漁谿司業胡蘭川太守坐楊存齋園中紀事。

花花日午迷蜂蝶，垂楊費盡東風力。香氣入簾櫳，幽蘭

國朝詞綜續編

卷八

七

三兩叢 綺窗風細細 晝暖鶯聲膩 人意正無聊 誰家
吹玉簫

黃士珣

字藕泉錢唐
人諸生

瑣窗寒

題湯德媛女士寒閨病起圖

寶鴨畱湓文鴛倚輦畫簾深 靜雲屏檢點一縷藥香濃
沁倩紅娃扶窺鏡中玉 局戍削描清影 怨吟成 恰恰聳
來山字被伊偷並 霞暈新妝整 又力怯愁拈翠斂脂
凝斜欹鬢朵試拓紅窗閒 凭問庭梅幽葩吐時也應素
貌同瘦損 忒多情 熨體荀郎耐得深宵冷

醉太平

湖上新柳

蘭橈畫橋紅簫綺 寮東風著意來 描有長條短條 歌

腰舞腰眉梢眼梢一般鬪取妖嬈溜鶯聲更嬌

馬

汾

字澹于嘉興人諸生有藉雲軒詞草

踏莎行

苦

色潤鸚哥文沿蝌斗冷清清地何人繡一番漸欲上墀
來閉門細雨今年又展齒畱痕裙腰比瘦落花紅點
風吹後阿誰翡翠墮輕釵碧雲滿徑追尋久

念奴嬌

題冒巢民橫巢幽賞卷于

茫茫煙月問當年遺恨如何陶寫狎客平章鉤黨酷急
淚新亭誰灑邢水通潮蜀岡連黛辨箇書巢且青山紅
粉一時重整風雅曾說老友迦陵儒官司理修禊開
吟社塵世朝雲驚再見翠袖天寒來也圓鏡埋春方袍

瘵恨我是悲歌者
曉鳥催暝夕陽無語西下

吳會

字曉嵐泰州人有竹所詞一卷

深院月

春暮

春事晚客愁閒乳燕歸來上巳天
聞道落紅鴛鴦滿海棠花雨溼鞦韆

夏尙志

字靜甫吳縣人現官武康縣丞有開河清曉詞一卷

南歌子

訪舊

軟語紅襟燕
驕嘶白鼻騮
冶春曾過那人家
記得門前一樹小桃花
贈珮情如昨
量珠願已賒
重尋好夢渺天涯
賸有繡絨殘唾在窗紗

鳳棲梧

裁幅雲箋呵筆凍不界烏絲只畫雙飛鳳我有相思千萬種思量寫徧休教空盡寫嫌多纖指痛縱使書完誰爲儂傳送路闊天長難寄夢雁兒飛過全無用

董基誠

字子統陽湖人嘉慶二十年進士官開封府知府

菩薩蠻

桃花漲暖桃根渡廿年重問章臺路細雨遶芳叢春衫小隊紅晶簾金絡索簾底珍珠萼舞罷鏡中鸞五花青玉盤

屏開雀尾拖金綫隔屏暗識春風面仙佩解明珠采雲畱得無雛鶯絃外語么鳳釵頭舞新月上簾遲隔簾花倦時

許乃麋

字念馳號藕舲仁和人嘉慶二十二年進士官庶子

長亭怨

七夕

更休憶昨宵風露天上人閒別離都苦鵲去橋空夜深
銀漢可能渡廣寒宮樹只合讓姮娥住皓月有時圓幾
照見星妃歸路雲暮歎秋來作客蟲語背鐙如訴秋
陰未老已怕說鏡窗前度聽桐井落葉聲聲盡分付一
簾涼雨願乞取靈梭爲織愁絲千縷

滿庭芳

孤枕驚秋虛簾對雨客愁無限悲涼遠天如夢雲氣總
蒼茫重到舊題詩處任荒苔綠上雕牆閒相憶殘更燈
火幾度月昏黃焚香清晝靜篆煙不斷似我迴腸記

昨宵銀漢鳥鵲成梁塵世休談往事待追尋便悟滄桑
君知否空山松桂招隱是江鄉

程嘉杰

字臥梅宜興人嘉慶二十三年舉人現官鉛山縣知縣

長亭怨慢

將往金陵賦此贈別小南月坡

盼林外歸鴉飛側驀地官符偏余行役木落霜濃幾枝
柔艣盪寒色渡頭衰柳曾送盡天涯客故里近長干且
當作暫時游息淒寂得孫陽一顧山水如逢金碧新
詞贈我說前往青溪南陌拋不了淮海微雲秦雪舫兵部更
難忘茗花踪跡湯都甯甯生章貢去滔滔爲寄懷人詩筆

秦耀曾

字雪舫江甯人嘉慶二十三年舉人官兵部主事

探春慢

同月坡游秦淮

柳意將蘇凍漸活且把扁舟重理鳥勸人歸花愁人
去欲遣相思無計纔說聽津鼓早夢斷一篙春水也知
咫尺吳淞片帆疑到天際滿路笙歌羅綺甚盼得春
來拂衣先起贈扇題詩修簫譜出曾向紅闌同倚六代
江山好試屈指詞人畱幾話別恩恩記取梅花簾底

瑤華

同月披青溪水榭坐雨

游踪暫阻積水冥濛恰又添涼雨三閒茅屋人兩箇共
倚敗闌延伫眉峯一抹已墮入溼煙深處看平砑絲綢
都收悄立窺魚幽鷺還思別院樓臺早望不分明花
底歌舞誰來此地細領畧半晌淒涼閒趣垂楊暗矣漸
冷到茶盞筇柱沈陰久悶損愁人總是送春歸路

莊梧鳴

字來儀號鄂五秀水人嘉慶二十四年舉人

張仲甫云鄂五爲吾園方伯肇奎曾孫芝階中翰仲方姪孫績學工文以早歿無子著作不傳愴懷舊友可勝歎惜僅存昔年寄示一詞錄之

鵲橋仙

自木香

心兒紫小帶兒青小越顯花兒純白嬌嬌怯怯倩東風
把一搦纖腰扶出梨花一半梅花一半占盡十分春
色夜深青女不禁香宋晁詠之句只合配素娥簪得

沈沂曾

字宗哲一字鉢莢號雪門吳縣人嘉慶二十四年舉人有春風廬詞

惜餘春慢

武陵寓館送春

作夢陰晴病人寒煖草草光陰如許湖山大好花柳多
情沒箇商量畱住同是天涯倦游待得春來又看春去

試攜將杯酒和誰同餞但澆塵土 曾記省流水華年
幾番消損半是相逢羈旅斜陽院落燕子樓臺況有故
園飛絮吟侶西冷儘多選勝徵歌都無情緒只庭前新
綠斷腸煙草織成愁句

浪淘沙

秋夜聽雨

窗外雨蕭蕭一樹芭蕉秋來魂瘦不禁銷記得畫屏紅
燭冷不似今宵 往事斷蓬飄珠淚空拋珮環消息玉
人遙一枕夢痕涼似水何處吹簫

孔傳鉞

字節倩號錯餘曲阜人嘉慶二十年進士官吏部主事有片雲詞

南樓令

甲戌出都途中題壁

官柳兩行斜征人到處家歎浮生容易天涯錦片前程

渾不似但撲面有風沙 探斗少星槎殘棋著屢差論
豪游五度京華只此青衫堪溼透又底用奏琵琶

菩薩蠻

西風簾影人顚顚銀缸冷照拋紅淚本自夢難成恨他
長短更 月涼鋪似雪屈指歸時節不會說相思算儂
曾負伊

馮登府

字勺圃號柳東嘉興人嘉慶二十五年庶常
改知縣官甯波府教授有種芸仙館詞鐫

長亭怨慢

自題揚柳岸圖依白石中呂宮詞按詞
源道宮是乙字結聲若折則帶尺一雙
聲卽犯中呂宮考白石詞旁譜換頭及
尾結韻皆用一五而第一句用尺非韻
也玉田從之是矣

又聽到棲鴉時候冷雨疎枝秋聲來驟送別年年亂條

攀盡忍分手銷魂短艇早催度河橋口柳縱有青時卻
不管離人消瘦馬首悵殘陽千里倦向西風沽酒一
絲影裏已換了暮蟬亭堠問那處夜笛樓頭恐歸去綠
陰非舊但月曉風尖付與鶯僂蝶僂

洞仙歌

落梅

翠禽夢外悵餘香早歇吹起東風一堆雪望故園心眼
禁病愁陰渾不似舊日樓頭月色玉兒應瘦損歲晚
山空來伴年年苦幽寂只管唱江南縱訴飄零問笛裏
何人知得況雨淡煙輕不多時剩葉底餘酸愁鶯能說

唐多令

過梅溪老屋感賦

老屋窳溪東頽垣碎雨中付誰家燕子西風一段斜陽

深巷裏但認得板橋紅
攜火捉秋蟲拋書趁晚鐘
卅年前雙髻兒童酒市漁扉都換過祇白髮有鄰翁

張祥河

字元卿號詩舫妻縣人嘉慶二十五年進士現官刑部侍郎有詩舫詞錄

憶舊游

癸未六月廿又四日黃霽青太守招同陳丈石士吳丈蘭雪許青士潘芸閣李蘭屏蘭卿觀荷淨業湖上先是己卯以是日舉詩社於此荏苒四年舊侶重來閒鷗亦喜歌此爲花濤兼爲太守贈也

記開尊看雨策騎尋香一水紅
邊淨業湖頭月有荷花
自主邀客年年小樓碧紗籠處題句玉堂仙
喜五馬能來重招勝侶一話詩天
依然曲闌外正鏡淨窺鳬柳
暗聞蟬欲喚紅衣舞更何人銀甲解
唱田田暮霞幾回飛去涼殺釣魚船
祇感到西涯誰家畫築湖水偏

慶春宮

出廣溪門游金氏園歸東徐少鶴李芝齡丈

編槿籬疎結茅亭小畫中勝宇初闢無地尋詩停車欲
問鳥聲知喚過客翠灣虹斷蕩孤艇微波自碧關心重
到如許溪山故鄉迢隔好時嫩約難憑解道封姨柳
絲工擘飛了殘紅輕陰門巷寂寞梨花寒食酒醒春老
又還是青帘向夕而今何事招我閒鷗泥人脈脈

思佳客

碧鎖窗前玉漏長游仙一枕夜茫茫紅雲供奉修真館
鶴扇歸來尙早涼濡宿墨燕名香錦袍春用萬花裝
掃除筆底山林氣封事朝朝寫綠章

卜算子

出德勝門沿堤過雨輕塵不飛新綠在樹
淡以夕照縱橫叢薄開極瀟爽之致

縱馬去何之。獨自鞭絲颺。狼籍秋陰滴。晚涼幾點輕衫。
上。何處遠香歸。隄畔。禽唱碧。受風斜。不見花。菽菽。
枯荷響。

沙白淨於銀。潤遍青青草。迴雨何須潑。水來官路垂楊。
埽。暮色轉冥冥。多恐西風早。亦有松閒解帶人。數騎。

尋秋到。

甘州

渡河憶已巳夏南歸值午節競渡今來秋莫
夕照西風撫序感懷曷云能已

卸征鞍。一席挂長風。河水拍秋高。望彎環似帶。東南巨
壘。勢障雄濤。同是客星。今古天上。溯源遙直。導崑崙下。
大海滔滔。回首中流。簫鼓駕龍飛。彩楫電迅。雲驕歎。
侵尋。時序游記。墨徒勞。向滄溟。燕來鴻去。動晚風容易。

荻花梢長隄畔明年明月照我停橈

減字木蘭花

揚州寄題康山

遙山雨隔閒卻尋秋花外展樹密藏門石磴茶煙夢尚
溫竹西佳勝別緒文通還記省臘盡來游瘦鶴寒梅
雪滿樓

周樽元

字華農嘉善人有寶晉軒室詞集

洞仙歌

有憶

近江渡了漸風餐露倦搖夢程怎生遠記蠟銚別淚
雁柱離聲分明語須要料量寒煖文窗今日裏話到
天涯幾度愁停小金翦落拓舊情懷醉也由他更沒箇
人兒拘管儘放眼江天恣閒吟只數點煙鬟算伊清伴

南柯子

瘁葉飄無定涼蛩絮未休羈懷已是不禁秋又况懨懨
餘病在心頭夢雨銷銀管情雲憶翠樓天涯同此月
如鉤不似玉釭單照一邊愁

虞美人

釀寒天氣疎疎雨蛩絮零星語菊花從不闌春妍簪向
玉人頭上便堪憐秋雲黯黯連朝暮塞斷鴻來路鬢
痕先帶二分秋那不一番鄉思一番愁

鳳棲梧

秋院

秋影沈沈池半面紅褪蓮衣碧淨藤蘿罥花刺鉤人雙
鬢亂記尋蟋蟀槍籬畔菊花縱好無心玩枉殺新涼

剩怨秋風扇桐子零星吹又徧拾來試數單雙看

祝百十

字筱山
江陰人

念奴嬌

錄別用東坡韻

故人初見擬當年湖海元龍人物一再題襟重認取司
馬還鄉四壁愛日心懸淩雲筆健忍臥袁安雪周郎無
恙有人懷想英傑無奈渺渺扁舟荻汀楓岸儘吳歌
催發旅雁西風天半語一片斜陽明滅雨笠煙蓑歸裝
珍重且捧觴華髮青山依舊舉頭同此明月

汪福辰

字致堂號芷塘吳縣
人諸生有春水詞

八聲甘州

秋日泛舟虎阜感憶舊游

又飄然一棹趁西風無聊事清游傍蕭疎衰柳蒼茫斷

壁是處尋秋見說吹簫人去怕倚水邊樓只有淒涼月
還照樓頭記共嬉春伴侶向花前顧曲銓畔藏鉤悔
幾番飄泊踪跡等閒鷗漸銷磨當年豔冶歎此來不是
舊風流凭闌處聽蕭蕭響落葉飄愁

陸麟書

字子倫太倉人舉人

采桑子

水精簾捲棠梨院曲折房櫳淺淡芳叢過雨桃花滿地
紅宿醒未醒春情倦昨夜晨鐘飄冷東風夢到銀牆
第幾重

朱

縉字來錫號也娛元和諸生有嘔嘔詞

虞美人

送別

絲鞭遙指長亭近又把歸期問生來不解唱驪歌只恨
垂楊絲處別離多東風吹徧天涯路愁見斜陽暮不
知今夜宿誰家殘夢依稀一半在梨花

汪

潭

字夢鶴錢唐
人太學生

蝶戀花

料峭寒侵幽夢醒塞雁無端叫徹霜天冷落葉打窗蓮
漏永沈煙一炷銷金鼎望斷鄉關人臥病未識孤山
可有梅花等翠浪疊衾眠不定半櫺殘月欺燈影

季士訢

字尚迂號問紅常熟
人布衣有問紅詞草

揚州慢

梅花

修竹園林向陽亭館住家也傍山村有橫斜瘦影儘畱

得春痕趁香裏題詩興動那時相對曾厭清尊換東風
幾度情邊添種愁根別來翠帳問天涯誰與溫存便
綈袂堪尋淒迷斷夢何處重門一樣畫闌明月三千里
冷落吟魂更聲聲玉笛今宵人又黃昏

菩薩蠻

姜白石遺像

揚州薺麥春風老合肥巷陌秋風早楚尾更吳頭扁舟
只載愁新詞歌一曲豔倚人如玉花發馬塍西山禽
不住嘯

潘士淳

字拙民吳縣人諸
生有花香齋詞

木蘭花慢

春雨悶懷

恨韶光易老都斷送雨聲中剩院宇淒涼梨花黯淡柳

絮溟濛簾櫳舊時夢影算而今已有幾分空閒和愁吟
短句玉樓瘦損芳容殘紅零亂似飄蓬往事太朦朧
更綠水侵階青苔沿榻碧草成叢惺忪豔陽天氣但小
樓日日倚東風聽取杏花枝上一雙燕語恩恩

金榮望

字藹春吳縣人諸生

菩薩蠻

亂鶯嘯破煙光曉東風吹綠江南道別夢繞天涯春歸
燕子家
好花紅幾日忙殺迎春筆有酒且高歌年華
逐逝波

戈成傑

字曉薇號孝維吳縣人諸生

搗練子

題畫

煙樹遠水雲餘黃葉敲風夕照斜雁影兩三人寂寂一
天秋思在蒹葭

昭君怨

垂柳絲絲煙裊風裏絮雲飛繞小雨溼闌干正春寒
朱戶銅龍深閉莫把紋簾鉤起簾外卽天涯况飛花

顧

翰

字蘭塘金匱人官
縣知縣有綠秋草堂詞

黃韻甫云蘭塘以縣令分發安徽輕財好交
遊卒以官逮垠悞其性情肝膽亦可想見道
光已酉晤於皖江旅舍蒲團養寂有蕭然出
世之心吁可悲也

喝火令

廣陵懷古

綠水閒歌苑青山舊酒旗秋風板渚柳依依人去花畱
紅橋夢斷玉驄嘶香冢埋金盃春墳葬玉衣六朝遺

恨是耶非一片錦帆何處問隋隄一片曉陵煙月歷亂
早鶯飛

念奴嬌

再過蓉湖感舊

烏篷當日記閒盟鷗侶曾問幽浦抱郭疎香爭透水隔
斷南湖煙渡翠帔相扶紅衣欲蛻單舸尋秋路仙源重
到漁郎空省前度那便夢隔雲波蕭疎水驛零落今
如許不信繁華容易散只有寒潮今古髡柳橋荒枯荷
苑廢野鴨西風語何年此地一蓑來臥煙雨

虞美人

鏡塘三月明如玉春水晴漪綠夕陽江閣嫩涼添兩岸
人家齊上水晶簾笙歌一隊歸來早白袷俱年少楊

花飛作滿湖煙斜趁東風亂撲酒人船

蕭師度

字晉卿太倉人諸生有杏花疎影閣詞

踏莎行

睡損鴉鬟慵添鴨炷舊愁都向眉峯聚一春長自掩窗紗而今已是春歸去枕上啼痕屏前別緒鶯期燕約都無據畫廊清晝悄無人倚闌閒共鸚哥語

月下笛

秦淮水榭賦本意用玉田格

雁底懷人蛩邊語恨旅窗情味疎風外何處悠揚笛聲起梅花自向秦淮落蕩一點涼煙暗墜乍秋魂吹醒銀蟾冷照碧空無際人意清如此奈艷韻飄來暗紫離思寒鴉病翅倦飛無限心事月明酒醒天涯夜第一是

闌干怕倚甚此曲已淒涼還又移宮換徵

王

璚

字西文
鎮洋人

浪淘沙

秋夜聽雨

儘覈得傷心雨又沈沈秋鐙涼逼小窗陰窗外芭蕉剛
幾葉響到孤衾還說甚佳音別緒同深好畱香夢慰
而今偏自含愁渾不寐夢也難尋

裴

鏞

字迪君
句曲人

春風嫵娜

送春

底今年春事忒殺恩恩金帶解玉盤空倚珠簾對此落
花庭院欲言無語堆上眉峯燕子銜殘鶯兒唬老酒不
澆愁愁更濃別緒絲絲柳搖綠閒情種種水流紅花

信連番數遍低徊暗憶撩人處總是春風憎春好釀春
慵催將春去難爲春儂無可奈何人閒天上記曾相識
闌角樓東今年去了問明年今日多情再見可肯從容

國朝詩綜續編

卷八

三

國朝詞綜續編卷八

錢塘宗景藩子城校棐

國朝詞綜續編卷九

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

馬 洵 四首

汪元浩 六首

汪元治 三首

張爾旦 十四首

王嘉福 十一首

馮承輝 一首

許乃穀 一首

林奕構 一首

梁紹王 二首

張維屏 四首

趙慶熺

六首

陸我嵩

一首

孔昭煊

一首

祝王林

三首

徐金鏡

二首

董用濟

二首

沈璧璣

二首

倪淵

一首

朱聲希

二首

于鳳陽

一首

項映薇

一首

劉福疇

一首

江介

一首

徐覽

一首

儲世臣

一首

蔡偁

一首

陳希敬

一首

王柏心

一首

馬

洵

字伯泉號小隱海寧人有
五千卷室詩集附統隱詞

黃韻甫云先生居梅里慕竹垞秋錦之風詩
酒流連慷慨好客家齊青觀察序其遺集云

體逸心冲居安遊樂清不染塵滓儉不狃豐
偷得同志之朋交著名山之事業可以想見
其生平矣詞亦清微有繪影繪聲之妙

菩薩蠻

銀河只隔紅牆右畫樓行處金釵溜驀地小迴身影兒
如有人 海棠花下路羅韞輕塵步今夜月明多月明
寒柰何

瑤花慢

玻璃窗

冷光垂地寂寂層闌護輕寒深閉空明一片看蕩漾影
碎滿庭花蕊湘簾纔攏押悄不覺有人檐底映紅顏便欲
低頭已露半痕眉翠 水晶宮裏藏嬌燦五色新裝金
屋差擬雲英打疊方小拓裊裊鑪煙香起春風篆縷訝

表裏都成心字惹梁間雙燕遲疑認道翦冰初試

摸魚兒

溫湖船

問生涯浮家安穩山塘七里延伫從來未慣江湖險那
識嚴灘黃浦頻喚渡算只載郎歡不載郎愁去消磨何
處認綠水橋邊冶坊浜口似織競柔艣波光好鐙火
千船簫鼓驪珠蕩漾無數舵樓人隔窗紗外斜倚更添
眉嫵朝復暮恁酒地花天占斷春如許留君且住記鬢
影尊前粉香扇底分付斷魂語

綺羅香

柳東購得朱竹翁分書綺羅香並頭蓮花詞箋乃第二闋也與集刻畧異當是初稿乃裝池成冊爰依韻繼聲邀余同賦此闋

鷗國新秋漁蓑舊夢水調翻成宮體小築溪亭卻對六

南浦

荷葉

圓碧鏡中搖逗微香最愛銀塘才曉轉側欲扶花承涼
露翻把盤珠傾了平波浸影幾枝猶擲遺簪小常護文
鴛雙夢穩也算綠雲修到一年時水榭憑闌甚亭亭勸
我甯盃傾倒青入砌羅衣還相對簾底黛眉初掃團圓
最好借他書寄新詞稿惆悵秋來喧夜雨溪畔蕩舟人
少

慶春宮

小屏殘燭葆初句也爲湘霞賦

雪疊綃鸞煙凝蠟鳳中宵靜照愁顏被浪翻紅鑪雲漾
碧帳深猶怯餘寒忍寒癡坐且休卸蘭翹翠鈿低徊重
卸夢或逢伊伊定能憐爭奈玉筍偷懸淚溼銅壺一

漾潸然月轉采風搖屈戌夜烏還自聲喧幾回欹枕
怨虬漏迢迢似年拌將今夜著意尋思索性無眠

浪淘沙

春盡日送別若仙

流水蹙羅裙中有愁痕畫船雙槳載春人著意留人留
不得何況留春 軟語記溫存燈火黃昏賺來離緒總
紛紛魂向當時銷盡也怎又銷魂

清平樂

夢過落花庭院留題粉壁約畧記之不勝
淒淒

斷無人處花落閒庭宇一桁簾衣垂暮雨梁燕也都飛
去 只餘滿徑蒼苔依然綠上階來分付奚奴休埽記
曾襯過弓鞵

憶舊遊

若

國朝詩續編

卷九

四

記香泥濕雨溼翠棲煙院落庭空砌粉闌干外有藤蕪
一翦低窺蒙茸愛伊似憐春去辛苦受殘紅待長徧瑤
階清清冷冷又怨秋風 吟悵漫悽惱任輭繡勻鋪綠
卷簾櫳悄憶牆陰下定圓紋點點曉殺寒蛩忍看廢陵
遺址深淺土花封柰最惹思量弓弓畫屨留舊蹤

汪元治

號珊瑚漁又號仲安鎮洋人

憶少年

斜陽院落飛花窗戶冷清清地闌干尙如昔認斑斑殘
淚 不見舊時簾卷起况淒然卷簾雙鬢傷心向誰訴
有東風燕子

國香慢

珍珠蘭

一樣幽芳認疎花隱葉種異湘江倚風幾絲斜裊色染
輕黃誰串纖莖魚子壓蘭雲恰稱新妝鉤簾坐瑤砌翠
縷亭亭掩映釵梁比肩相對處算圓珠顆顆十斛難
量樓東舊恨料花也解淒涼不是淒涼意緒恁零星香
淚成行仙姿怕重憶賸有餘芬空斷柔腸花譜珍珠蘭
葉能斷腸

齊天樂

墮微似夢別事等塵月約未圓星期又阻
獨夜追憶不勝淒眷

分明約阻銀潢路重逢更知何地鴛鴦無靈藏珠有巧
空惹相思難已今宵過矣便捱到明朝怎生情味一點
孤鐙照儂冰簟冷如水鍼樓定添別恨賺離愁多少
還賺香淚瘦影偎花嬌鬢溜玉猶記那回梳洗春人夢
裏縱畧繫春懷已饒秋氣甚處瑤笙夜涼吹怨起

張爾旦

字信甫常熟人
有種玉堂詞稿

黃霽青云能爲此種詩詞者是洪穉存黃仲則一流人也生同斯世恨未見之黃韻甫

云種玉詞繼綿淒遠言外恨長弱柳曉煙疎花翠雨讀之低徊欲絕

三部樂

予以今春來吳門宿吳氏之競簫館主人邀爲看花之遊自春入夏歌酒追逐歸舟有靈巖之約用夢窗體填寄

綠淺波柔聽款乃數聲蕩愁無力半帆詩夢又趁隔湖
風急記同訪春巷閉門問酒盟冷落鷺邊相憶柳枝作
絮報我化萍消息脫巾醉倚歡筵燭花暈小響繡牀
箏笛卻憐亂紅舞後吟懷消歇約看山再移畫楫尋雪
爪秋鴻舊迹日暮浪疊芙蓉弄千朵寒碧

瑣窗寒

旅泊鳬溪夜中自題寓舍之壁秋士多悲
聊用自遣

水樣年華星鏡裏鬢添霜縷何郎易老忘去卻梅花
詩句但年年看春去來惜花儘有閒情緒又怎禁永夜
天涯孤冷一鐙風雨萍絮憐羈旅問此後歡場更消
幾許人間夢短散了不如休聚暗驚秋衰柳病蟬抱枝
咽露涼自語臥禪寮半榻茶煙此味須諳取

生查子

欹枕聽蕭蕭落葉敲愁重燭瘦冷紅搖風入秋簾縫
井樹醒棲鴉驚起疎鐘動滿帳漏纖痕斜月窺殘夢

山亭宴

秦淮秋泛

鷗波蕩得秋無際弄蘭橈夕陽明裏一角小紅樓乍吹
度流鶯語細樓邊老柳忒多情挂瘦月作去將眉意何

處問南朝正渺渺潮生矣 玉簫水上吹搖曳甚今朝
酒醒偏易殘雨洗寒螺算從古銷魂此地閒花開落不
知名便重到零星誰記客爲避愁來不道愁難避

虞美人

春盡夜

玉簫淒弄誰家院暗把東風怨擔愁惹病作去相思算
是不曾閒過好春時 煙梢溼卸殘紅重香徑鶯呼夢
打窗幾陣下如潮酒醒落花聲裏又今宵

南浦

餞閬鄉之浙東

春水滿前汀問閒鷗甚亦分飛無奈柳外是斜陽遙山
影更在斜陽紅外長箋賦別銷魂燭翦西窗再一半清
愁留夜榻一半蘭橈分載 看花路出西湖見孤山病

鶴寄聲君代觸惹舊游情相思夢和了輕帆先挂風帘
颺綠登樓一醉聊同買開過芙蓉歸莫誤漁笛隔江吹
待

八聲甘州

舟泊丹陽追悼亡友王于陽子陽元和
人名王桂試白門病歸歿於丹陽道中
其時爲辛巳秋七月距今乙酉已四易
寒暑矣

正關河笛裏到新涼愁思滿江城又推篷夜泊懷人此
地淚忽縱橫燈外青燐照夢鬼語答寒更落葉淒蛩畔
夢已難成還記聽歌水閣只秦淮病柳曾證鷗盟問
昨歡何處瘦月隔煙生更誰知旅魂飄泊但楓林吹雨
黑殘程扁舟去西風天末都作秋聲

憶舊游

白門晤茗香流連道舊數日別去既又自
鳬溪寄書相問復申結鄰湖上之約答之

以詞

正風欺病葉露泣孤蛩愁掩瑤尊舊雨憐幽寂話山中
昨夢何忍重溫背君記搖柔艣款乃夕陽村便寄與相
思秣陵秋樹都是銷魂閒身更誰問歎浪擲黃金難
買青春縱有春長好怕花前愁鬢易染霜痕避人狎鷗
湖上除與素心論待縛箇漁船山光樹色青到門

浣溪紗

簾外東風不肯晴一層寒透袷衣輕梨花吹雪過清明
筠管欲拈無氣力瑤箋頻展沒心情夢回悵悄又聞鶯
鶯

南浦

城北荒無居人十畝五畝皆栽荷花其外垂楊台抱亦幽境也六月廿四日子瀟師偕過

其處朝旭乍紅露光猶泛徘徊花側日高始
返述此調以志佳遊

露滴萬珠圓蕩微風一鏡霞天清曉荷氣化涼煙煙汀
外都是空濛青杳紅衣豔照美人影弄玻璃悄楊柳陰
環香百頃只有白鷗尋到飛來倒浸空明更遙山一
朵瓊奩迎笑花映翠芙蓉無花處剛插亭亭孤峭鴛鴦
正開冷蟬先自吟秋了還怕重來吹短笛紅剩隔溪殘

夢

八聲甘州

亡友屈寅甫名頌滿弱冠時書畫絕妙
殆有夙慧其配季湘娟亦才媛結稱一
載寅甫病歿湘娟集其手牋爲一冊朝
夕展視未嘗不泣泣也礪之爲湘娟之
第以冊見示予亦不能無宿草之感爲
題此詞

似落花狼藉故人魂孤飛不能招認銀鈎樣瘦香濃墨

淡頻展無聊忍憶十年前事除是夢相邀淒雨寒煙裏
夢也迢迢爲有吹簫舊侶把零箋斷素讀當離騷歎
情長緣短彈淚溼生綃問天邊玉樓今夕對素蟾還記
可憐宵相思字蠹魚能蝕此恨難消

浣溪紗

落葉西風作去晚晴到黃昏又冷清清秋聲一院翦燈
聽守著紅窗天怕黑吟蛩初歇酒初醒不堪殘夢憶
零星

綠意

招真治梅花下感舊同季礪之賦時道光庚寅二月二十日也

春煙弄色正香霏玉瘦落花盈尺花下闌干花外迴廊
一片夕陽紅徹絕無人解相思意算只有東風相識剩

古苔冷碧零星碎了夢痕難拾 不信山深夢隔又飛
到一縷斷魂招得暝入空山都化離愁笛怨數聲飛出
商量此恨憑誰寄待喚起青天蟾魄總舊情憶著淒涼
怕與翠禽重說

洞仙歌

題趙聞鄉桃花春影卷

濃春時節記頻來雙燕花裏比鄰好庭院正暮愁年小
巧笑無猜難忘去卻曾踏落花相見 鬱金堂易主燕
子天涯何況東風舊人面一樹綠陰陰帶了殘霞還認
作隔牆花片但約畧芳姿畫嬌紅更觸我傷心謝家團
扇

王嘉福

字穀之號二波長洲人蔭襲騎尉
官儀徵守備有二波軒詞選二卷

黃韻甫云二波詞如落花戀樹飛燕依人語
不求深使閱者自醉情勝故也 張石樵云
二波詞哀感頑豔悅魄盪心

桂殿秋

新水碧落花紅吹殘春事幾番風
舟移穉柳嬌鶯外人在珠簾細雨中

闌干萬里心

垂楊庭外晚煙籠十二闌干
卍字空簷馬聲聲細雨中
一簾風花在苔衣綠上紅

相見歡

蘭舟夜泛紅橋醉停橈忘卻樓邊
鐙火已深宵 玉漏靜繡衾冷
儘無聊只隔一重窗子
敲魂銷

慶春宮

從陳允平體卽用原韻

雙鬢花嬌單衫霞豔斷腸一寸橫波惆悵多時淒淒脈
脈酒邊無奈愁何夜闌人靜漫彈出相思怨歌雲萍身
世深訴飄零暗損顰蛾三更露下高柯香潤熏篝扇
溼輕羅玉砌盟心瓊闌攜手別時翻悔情多夢回人遠
淚空漬迴文錦梭天涯何處凝望翠樓一抹銀河

高陽臺

題涉江感舊圖

桂楫搖煙蘭舟忙雨年時曾采芙蓉繡被香疎流光直
恁怱怱涉江重覓煙鬟影但斜陽一抹愁紅更禁他昨
夜微霜瘦了秋容天涯多少傷情事算青衫淚漬都
是歡悰水遠山長關心秋燕春鴻無聊借酒澆愁思奈

閒愁比酒還濃，忍回頭，一笛黃昏吹怨遙空。

又

余自杪春來客京江，忽秋已深矣，風懷蕭索，情見乎詞。

泛艤評香，攜花寫豔，當年勝侶如雲。誰信天涯，吟懷瘦了殘春。杏花疎雨，梧桐月，好亭臺都負琴尊。恁無慘水，皺笙寒腸斷，司勳酒闌底事，添惆悵，悵歌樓笛榭，短夢如塵，留得青衫印，他多少，唬痕分明，一角秋河影向天邊隔斷春人。又誰知蕭瑟江干，獨自銷魂。

憶舊遊

將別秦淮，又薊置餞於雲波，吟榭別後無聊，漫填是解。

記桃鬟擁翠，杏靨唬紅，黯黯尊前。畧記銷魂語，道今番歸客翻在春先。酒醒五更風露，輕換木蘭船，悵帆葉牽雲。艣枝搖雨涼，送漚邊，淒然向誰訴，是瘦影依鐙斷。

夢偎煙絲柳河橋外甚綠波春草都是愁天怕看昨宵
明月還是十分圓料一樣無聊熏籠畫閣寒未眠

高陽臺

記別

瘦荻搖煙枯荷鬧雨離愁滿載蘭橈聽水聽風知他何
處今宵尋尋覓覓淒淒思但傷心隱隱迢迢料無眠一
枕冰痕噫溼紅綃明知此別尋常有奈今番酒醒直
恁魂銷夢上江樓依稀帆遠天高不知誰畫煙鬟影認
微茫雨點金焦又驚回四壁秋蛩替訴無聊

一萼紅

盼汀洲正叢蘆如雪低颭萬梢秋枯樹棲鴉平沙落雁
斜陽紅墮高樓裊天際征帆千葉問西風幾葉是歸舟

誰畫淒涼幾株衰柳幾箇閒鷗 回首江潮滾滾縱沙
痕淘盡難澣離愁何處清鐘誰家殘笛兩三星火瓜州
爲問伊故山猿鶴應笑我塵海苦淹留舊日心期消散
都付東流

長亭怨慢

記前度湘紋簾底鏡豔羞鸞粉香迷蝶一夢成煙小園
重到怨離別曲闌幾折空落盡花如雪欲問舊歡悰祇
賸有流鶯能說 淒絕看雲階細草暗損墜鈿遺跡紅
愁綠慘忍回憶那年春色訴不盡苦語相思是風外金
鈴嗚咽只短柳依依青眼還如相識

南柯子

簾額秋痕瘦琴心舊恨長闌干曲似九迴腸不用淡煙
疎雨作淒涼笛畔拋紅豆尊前挽綠楊荅華小字記
眉嬾但見一鉤新月便思量

馮承輝

字少眉婁縣人有古鐵齋詞鈔

望海潮

海鏡樓觀海和研北韻

蒼蒼山遠濛濛雲疊當空萬里秋懸鵬擊千尋舟移一
粟溟波盪漾無邊日月浴迴瀾問揚塵何日復變桑田
我欲乘楂手捫星斗半天寒蒼茫鹿渾伊連正洪濤
縹緲一抹蒼煙重譯人來扶桑日近遙遙水色長天雙
眼望中寬想登高極目身似神仙何日移情與君同倚
碧闌干

許乃穀

字玉年仁和人道光元年舉人官甘肅敦煌縣知縣

買陂塘

同人詣孤山議建和靖祠并補梅放鶴詞以記事

暮蒼蒼斷垣衰草無人來弔和靖山中眷屬空梅鶴滿
目斜陽淒冷君試省算七百餘年舊跡依稀剩重來繫
艇想一角添樓二分宜水位置到疎影紅塵境仕隱
都難自定不如沈醉無醒買山有願非虛語笑指西湖
爲證高處凭把去住心情訴與先生聽夢來雪嶺更挈
我登臨隨君歌嘯月下四山應

林奕構

字基成號少霞長洲人道光元年舉人

菩薩蠻

菱花淨拂銀屏底秋懷曲折簫聲裏樓上晚寒多天涯

人奈何 三更菴暗語 又是風吹雨 心事問誰知 孤衾入夢時

梁紹壬

字應來號晉竹錢唐人道光元年舉人有兩般秋雨菴集

金縷曲

春陰

春在冥濛處 怪東風無端收拾 蠡情蝶趣 淡殺梨花濃殺柳 嬌殺海棠一樹 更何俟綠章乞取 庭院深深簾窸地 膩熏鑪潤逼沈檀炷 香篆外逗飛絮 佳遊已誤尋芳侶 好繁華樓臺十里 鶯花無主 剗厚濃雲癡不醒 竟把韶光勒住 更不放斜陽一縷 梁燕呢喃聲未定 似猜詳明日風還雨 鎮相對話愁緒

漢宮春

詠漢趙婕妤飛燕玉印文曰婕妤妾趙趙字烏篆蓋寓飛燕意也龔璚人藏

一寸于闐有漢宮春色千載紅殷何時暗拋玉匣流落
人間如絲鳥篆似摹他小字踟躕真恍見蠻腰一搦綳
裙襞襞留仙長樂建章何處問金刀傳璽幾姓曾遷
瓊函綠綈小印認取蠶眠宮衙署也想當年賜並釵鈿
知佩向石華袖底幾回紺唾猶鮮

張羅屏

字子樹號南山番禺人道光二年進士官松
滋縣耀同知有聽松廬詞鈔二卷玉香亭一
卷

黃韻甫云先生善文詞所交皆海內知名士
著國朝詩人徵畧一書發微闡幽各繫小
傳使後之人知人論世得所依據其用心遠
矣詞亦秀雋不凡

闌干萬里心

九江阻風賦此擬閨

九江城外雨如煙九派茫茫送客船不聽琵琶已黯然

水連天一夜江聲人未眠

壺中天

題金正希先生畫研山小冊吳雁山孝廉得於書肆中款識剝蝕小印可辨

文壇尊宿問何時游戲圖成拳石石破天驚文字在都
是一枝椽筆鍊或媧皇化疑星宿不似人間墨殘線斷
楮滄桑多少陳迹爲想當日江南守陴鏖戰此紙應
拋擲若遇仙人能煮熟便與三軍同食毅魄雲埋忠肝
鐵鑄濺血痕猶碧讀公文者定知同此珍惜

浣溪紗

讀畫繙書悟夙因綠窗餘事作鍼神從來不負百花辰
廿四番風輕似燕十三行字瘦如人落紅和淚送殘
春

繡得花旛且避風
慙慙人倦睡殘絨
新愁如霧壓眉峯
藥勸加餐添半夏
漏嫌驚夢減丁冬
可無銀液鎮心忪

趙慶熺

字秋舲仁和人道光二年進士選陝西
延川縣改金華府教授有香消酒醒詞

憶蘿月

夢魂如絮隨定東風去
一堵紅牆闌不住
直到畫樓深處
落花小院池塘
鸚哥喚醒迴廊
誰道畫長春永只
消幾炷沈香

柳梢青

薄酒微醺水晶欹枕擁被思君
雨雨風風
昨宵人病
今日春分
憐他靜掩重門料打疊梨花
夢魂六扇文紗

兩枝紅燭一箇黃昏

鵲橋仙

夏閏

悄悄庭院沈沈簾幕坐到黃昏無那玉鑪片腦已都消
剛剩得一星兒火 蛾釵剔罷蚊幃掩卻斜扣金訶待
臥恰愁夜短夢偏長含笑約檀郎分作去

憶蘿月

不茶不酒鬆了衣雙釵心是梧桐身是柳到得秋來都
瘦 日間畧可眉顰一鑑上過銷魂偏是天公無賴近
來只慣黃昏

生查子

青溪幾尺長中有雙枝鵲楊柳小於人便解留船住

歌聲按暮雲酒氣蒸香霧吹落碧桃花紅了來時路

臺城路

三月中旬吳夢蕉約同人作皋亭之遊

一春好似黃梅雨今朝嫩晴天氣鰣響離城雲移出樹
拂面絳絲風細船頭舵尾看水碧羅羅野塘十里一路
桃花淺深紅到半山裏年來花事有幾再消停數日
枝上如洗歡喜橋邊甘墩村外都是曾經遊地尋春倦
矣問前度劉郎鬢霜添未有約重遊酒杯還自理

時有果熟

重遊之約

陸我嵩

字景臧號芳玖青浦人道光二年進士官南臺海防同知

摸魚兒

寄懷周華農

悵江湖故人星散當頭惟共蟾魄周郎家近鴛鴦渚繞

屋茨田三百長苦憶要烏榜青簾徧置花閒驛芙蓉四
壁想鱸膾紅腮雞缸綠面醉影畫苔格 慳芳約秋雨
茂陵倦客香消酒醒今夕旗亭未賭雙鬟唱悵咽滄波
長笛煙水隔應念我油衫皂帽緇塵積詩塵夢蹟在放
鶴洲邊賣魚橋外愁斷暮雲碧

孔昭煊

字溫甫號小蘅曲阜人道
光二年舉人有半舫詞

憶舊遊

聽鶯聲嚶嚶燕語喃喃陟惹閒愁待把重簾捲奈無人
撲蝶響憂空鉤悶來酒傾三雅薄醉暈雙眸偶倦倚吟
窗春寒料峭怕賦登樓 悠悠記前度共暢叙幽情兩
意綢繆瞥眼韶光換問神仙伴侶解憶儂不儘饒二分

春色美景付誰收只黯黯魂銷吹香院落花氣浮

祝王林

原名懋成字鞠門仁和人道光二年舉人

高陽臺

戊戌報罷計季眉乃常招同葉素庵金書黃韻甫變清遊城南看花午後至尺五莊小飲爲賦是解

柳褪輕綿莎平軟薦隔花曉老鶯聲酒病詩愁可憐顚
頰蘭成落紅不耐春拘管趁東風飛出高城最無情流
水飄香猶自盈盈傷懷不在題牋素在燈邊聽雨月
下聞箏舊隱西湖未應冷落鷗盟行將散髮滄江去算
人間何用浮名借金尊一洗牢愁醉學長鯨

百宜嬌

蒲河寓齋背臨曠野軒窗洞開昌黎諸山皆在一室居民數十家傍樹爲屋炊煙高下浮若白雲柳林遠近時縱遊牧極北方之勝概小住市月人事觸忤欲歸未得仍

同都門賦此以記一時鴻爪

山淺畱雲林深閣日恰對小窗如畫細草平沙斜陽古
柳閒放一羣蕃馬人家幾處羨雞犬也都清暇指蒼涼
廢壘前朝倩誰短幅描寫 曾醉臥令支城下策騎又
龍堆塞笳吹罷花鳥前盟湖山舊隱苦憶故園臺榭輕
裝料理且覓箇吟瓢消暑早心知買賦長安近無高價

疎影

綠陰

濛濛溼翠看雨晴萬樹涼合如水淨洗春痕畧綴殘香
試問東風餘幾雛鶯乳燕還來否料不戀枝頭青子記
恁時載酒江南壓徧吳娘船尾 遮斷郵亭十里早斜
陽遠近亂蟬催起那處人家深掩重門都在碧陰陰裏

而今歸踐溪山約慣自愛眠琴閒憇任晚來月上西窗影暗一鐙簾底

徐金鏡

字芸峴武康人道光二年舉人有山滿樓詞鈔

探春慢

仲子湘東湖餞春圖

畫舫臨波垂楊拂檻樓臺多少煙雨正是江南芳菲時節漸被鶯聲吹暮流水長隄外更目斷征帆歸路曉風吹送離愁天涯無數飛絮未肯和春畱住又一晌春歸人隨春去曲岸題襟旗亭倚棹畫裏韶光如故前度吟魂在還認得沙邊鷗鷺回首斜陽銷魂長在南浦

洞仙歌

武昌郡南門外鮑魚套古鸚鵡洲也正平祠墓在其上由來久矣自前漢陽守裴公

修郡志時毅然以東門外荒洲當之數十年來遂沿誤成俗戊戌閏四月蔣村文導

遊古鸚鵡寺拜禰公祠觀明人舊碑爲述
本末倚此正之

文章太守漫耽奇成癖移去嘉名一江隔怪平沙淺渚
寂寞荒郊誰與證往日圖經傳刻閒尋來此地斷碣
依然獨有前朝舊遺蹟古墓易沈湮三十年來問沿誤
幾人能識但認取洲邊禰公祠笑安石新墩不須爭得

董用濟

字蠡舟
烏程人

賣花聲

壬申閏三月二十一日

香燼彩雲消翠隕紅飄縱無風雨也蕭條記取一生腸
斷日前月今朝黛色淺含嬌眉嫵輕描遺容不待寫
吳綃離去卻心頭還眼底何日能拋

高陽臺

己丑中秋沈陰微雨適抱河魚之疾况味
蕭條殊難爲懷

苦霧埋珠嬌雲蝕璧羅帷閉置輕盈欲爲催妝怕伊絃
管無憑庾家減卻南樓興悵良辰駒過難停算從今能
幾今宵便了今生無窮身世飄零感更瘦妻顚顚弱
息伶俜白髮倪迂何堪腹疾方嬰紅螺捲碧應無分怎
慊慊如殢春醒拚上餘年病也難消愁也難醒

沈璧珥

字熙之上海人有虛白堂詞鈔

浣溪沙

芳草臨風一道斜夕陽盡處有人家玉驄何事向天涯
水遠暮帆分樹去山平孤店被樓遮依然門外落桃
花

應天長

玉蘭庭院寒時節珠簾不捲沈香歇翠眉淺隔堪愁絕
深深低唱梨飄雪歌喉檀板發紅袖回來明滅宛轉
碧羅裙結微映杏花月

倪

淵字半陶吳縣人有
綠靜軒長短句

天香

試茶

雨沁新香苔封嫩玉峯頭猶憑春淺側側餘寒遲遲長
日不放一旗輕展筠籃試覓引多少盈盈結伴消息清
明近也村歌乍聞隄畔南窗未舒午倦最縈懷碧雲
千片閒領湖天風味素資宜薦詩思而今漸澀賴吹入
清芬興俱遠好屬樵青殷勤細辨

朱聲希

字廉夫秀水人
有吉雨詞二卷

南鄉子

小扇卻齊紈。梧葉蕭疎帶雨殘。記得年時攜手處。憑闌笑指秋池。並蒂蓮。芳歲易闌珊。雁過樓頭信杳然。碧掩紗窗愁入夜。輕寒好夢如雲。欲聚難。

醉花陰

春陰

藹藹輕煙浮不動。密似衣無縫。柳色暗妝樓。碧掩窗紗。人壓輕寒夢。養花微雨枝頭重。花外鶯愁弄。隔隴漏斜陽。如醉難醒。小院梨雲凍。

于鳳陽

字梧桐。金壇人。有桐花軒詩餘。

浣溪沙

春閨

一綫東風颺鬢絲。小窗斜日倦眠時。閒愁未許杜鵑知。

香草鬪成離恨譜落花排就送春詞紅泥小印署情癡

頂映薇

字珠樹嘉興人諸生有藤花館詞綠陰

掃花遊

綠陰

覆簷嫩碧愛罨畫空階晝昏山館素簾乍卷正青青蔭到篆鑪茶殘燕子歸來隔樹尋呼舊伴柳綿散看數點
剩紅枝底猶戀深院深幾許但響度楸枰韻傳絲管
翠陰漸轉放斜陽一縷半窗痕淺入夢池塘此際水天
同遠小橋畔掩籬門酒帘難辨

劉福疇

號小春華亭人優貢生有聽香樓稿

臺城路

題明玉通守香畹樓憶語後

彩雲不避罡風劫，情天懺愁無計。璧月明妝，環花瘦影，堪歎流年似水。傷心到此，剩千疊蠶絲，都成恨字。簾卷黃昏，斷腸還有俊夫婿。迦陵喚歸青鳥，聽哀蟬落葉，夢醒猶未。碧宇秋寒，白門潮咽，贏得銷魂滋味。玉簫去矣，甚草草蘭因別時容易，海縱能填待填多少淚。

江

介

字石如仁，和人有詩集，雜著若干卷，未刻。道光壬辰卒。後瞿氏刊先生石如吟稿一卷附詞。

如夢令 暮春湖上

春在柳花飛處，人在柳花深處。翠袖不禁寒，又被柳絲牽住。休誤休誤，且與東風歸去。

徐

覽

字敬遠，華亭人。

滿江紅

歲暮泛富湖舟中書懷

歲暮淒涼回首處，消魂滿目猶記得。小舟初到春江波，
綠青粉牆邊楊柳嫩。赤闌橋畔梅花簇，歎風塵轉眼一
年過。韶光速，斜日下寒風觸。傾綠醕，催銀燭。正窮途
阮籍幾番歌哭，有路可求韓眾藥。何緣更貸監河粟，看
平生事事盡傷情，眉長蹙。

儲世臣

字小巖，溧陽人。諸生，有鴻雪龕詞。

菩薩蠻

年華暗換天如夢，征程只有愁心送。衰柳暮生煙，鷓鴣
嘯滿天。江南秋寂寂，腸斷西風急。吹夢到鄉關，夕陽
山外山。

蔡

偁

字季舉監利人
有黃樓集詞

百字令

吉王宮

桃花零落指吉王宮殿斜陽古樹近了清明寒食節過
客愁聽杜宇玉枕金釵龍樓鴛瓦芳草王孫去茫茫一
望西風高下禾黍當年金策承家銀潢演牒帶礪歸
何處猶賸城東香半壁七十二坏黃土禍福侯王河山
感慨無故情如許紫金隄上幽靈夜夜潛語

陳希敬

字笠雨海鹽人道光三年進士官深州知州
城陷死節贈道街有菰蘆老屋吟稿附詞

滿江紅

題永和九年七月十硯磚

古甃摩挲閱千載滄桑小劫誰收入珊瑚鐫網土花瑩
碧海國秋沙餘故物山陰春禊空陳蹟拭遺銘猶辨永

和年分波磔 青州鐵雄文泐銅臺瓦金痕蝕剩畫樓
一片斷圭殘壁鼠尾磨來星磔紫螺丸搗處煙濤黑效
襄陽寶晉舊風流填齋壁

王柏心

字堅木號子壽監利人道光二十四年
進士官刑部主事有子壽集詞一卷

一萼紅

秋花

壓闌干也澹紅香白塗抹比春妍夢謝鶯捎影避燕掠
空餘抱葉哀蟬立盡了疎煙涼月歎芳華晚晚誤嬋娟
掩涕宮姬玉階俏影疑有無閒 休論芳尊錦幄便斜
陽瘦蝶尋覓都難除是秋閨惜芳心事捲簾同耐清寒
不忍拗斜枝簪取願霜前長作女兒顏還怕秋痕易褪
描上生絨

國朝詞綜續編卷九終

錢塘宗景藩子城校桀